


1635_034.jpg



34 M. DC. XXXV.

Le 20. les assiegeans changerent de poste, & se logerent vers le village d'Arneual, où ils mirent le feu, comme au fauxbourg qui est du costé de Mets, & en plusieurs autres lieux. L'armée du Roy sous la charge du Cardinal de la Valette estant au delà du Rhin avec celle du Duc Bernard, donnoient la chasse aux Imperiaux, ledit Cardinal enuoya 2000. cheuaux contre les Regimens des Colonels Lamboy & Hasfeld, qu'ils chargerent & deffirent pres de Francfort au village de Luderuille, qui en suite ruinerent le Fort de Gustawebourg. Apres cela ledit sieur Cardinal & le Duc Bernard laisserent 4000. soldats en garnison à Mayence, & firent transporter le pont de batteaux de Mayence à Binghen, y passerent le Rhin le 26. Septembre, feignans d'aller à Coblens pour abuser le General Galas, qui passa aussi le Rhin en mesme temps à Wormes, ayant fait assembler sa Cavalerie pour les suiure, & commandé à son infanterie d'en faire autant.

*La famine
chasse les no-
stres.*

*Leur retraite
honorable.*

En fin le inanquement des viures en vn pays tant de fois rauagé, comme estoit ce costé d'Allemagne au deçà du Rhin, & les ennemis courans & pillans tout ce qu'ils trouuoient, n'estant plus possible d'y viure faute de pain & d'auoine, les cheuaux estant contrains de repaistre de feuilles d'arbres, ce qui causoit des maladies en l'armée; cela fit resoudre le Cardinal de la Valette & le Duc Bernard, de faire retourner en deçà les armées. Ce que sçachant le General Galas, les voulut poursuiure; mais ayant pris vn chemin destourné par derriere

1635_035.jpg

Histoire de nostre Temps. 35

des montagnes, desseigné par le Duc Bernard, nos armées eüiterent la rencontre des ennemis & abuserent Galas, qui pretendoit leur couper chemin & les assaillir en leur retraite, & se voyant deceu de son dessein, au lieu de les devancer, il se mit à les suivre avec sa Cavalerie, & les atteignit sur la rivière de Loutre entre Meisenheim & Odernheim, où les nostres tournans visage l'arrestèrent tout court, au combat qui s'y fit la Cavalerie fut mal menée: & voulant avoir sa revanche, il poursuivit nos François jusques au passage de Vaudreuange sur la Sarre à vne journée de Mets: là il destacha quatorze Regimens de Cavalerie sur l'arrière-garde François, qui se deffendit courageusement avec six compagnies de Cavalerie, sçavoir les deux de Genl'd'armes & cheuaux légers du Cardinal Duc, où moururent au lit d'honneur les sieurs de Moüy, de la Seuzac & de Londigny; celle du Vicomte de Mombas (le Lieutenant duquel le sieur de Barc estoit demeuré à Mets, ayant esté blessé à la prise de Moyen-vic) lequel Vicomte tenoit l'aile gauche, & allant pour descharger le Colonel Hebron, fit si bien, qu'un Chef des ennemis & cinq de sa suite y demurerent: Celle du Comte de saint Agnan qui combatit vaillamment, & y fut blessé d'un coup de pistolet: Celle du Marquis de Palaizeau, lequel mourut deux jours apres de maladie; & du Vicomte d'Estange, tous dignes de loüanges, & qui meritoient un recit particulier dans l'Histoire.

Du costé des Imperiaux outre leur gros re-


C ij

Combat contre Galas qui les poursuivoit.

Mort des sieurs de Moüy & de Londigny.

Le Marquis de Palaizeau mort de maladie.

1635_036.jpg



*Perte des Im-
periaux.*

36 M. DC. XXXV.
poussé, ils y perdirent quatre à cinq cens Croa-
tes, quelques Chefs, & quantité d'Officiers, &
grand nombre de bleffez.

Après ce combat, qui se fit entre Boulac &
Vaudreuange, le 27. Septembre le Cardinal
de la Valette s'alla loger au Pont à Mousson, &
le Duc Bernard à Vic & Moyen-vic, d'où ils
empescherent la conionction des troupes du
Duc Charles avec celles de Galas, lequel ayant
pris Vandreuange après cinq assauts, vaillam-
ment soutenus par le sieur de Nets, frere de
l'Euesque d'Orleans, & les deux villes de saint
Aauan & de Sarbruk, se fortifioit pres de Zar-
gemunde entre la Sarre & la Wilde.

Le Roy donna audit Cardinal de la Valette
six mille Suisses, quatre Regimens François, &
deux mille cheuaux de l'arriere-ban.

*Conduite
loüable du
Marquis de
Coassin.*

Ceux qui sont retournez de cette guerre esti-
ment grandement le courage & la conduite
que le Marquis de Coassin fit paroistre en tou-
tes les occasions: Ce fut luy, qui après la mort
des trois Chefs des Compagnies du Cardinal
Duc, voyant que nul ne vouloit prendre loy de
son compagnon, pour empescher la confusion,
se mit à leur teste, & les commanda iusques à
son arriuée à Mets. Les Comtes de Fleix, de
Combour, & plusieurs autres volontaires, y
acquirent aussi vne grande gloire.

En cette retraite nostre armée n'estoit com-
posée que d'auant-garde & d'arriere-garde, il
n'y auoit point de corps de bataille. Le Regi-
ment des Gardes estoit separé en deux batail-
lons chacun de six Compagnies, celui de l'a.

1635_037.jpg

Histoire de nostre Temps.

37

uantgarde commandé par le sieur de Sauignac,
& celuy de l'arriere-garde par le Comte de
Guebriant.

Le 8. d'Octobre fut fait au Nouitiat des Ia-
cobins reformez au fauxbourg S. Germain des
prez lez Paris, vn seruice fort magnifique aux
trois Chefs des Compagnies de Gensd'armes,
& de cheuaux legers du Cardinal Duc, morts
au combat de Vaudreuange, où assisterent 19.
Archeuesques & Euesques, & grand nombre
de Seigneurs & Dames de qualité, particulie-
rement tous les parens, alliez & domestiques
de son Eminence qui se trouuerent à Paris.


Le 10. du mesme, le sieur de Biscarras, Mai-
stre de Camp d'un Regiment d'Infanterie, fre-
re du feu sieur de Caheusac, estant allé saluer le
Cardinal Duc à Ruel, pour resmoigner l'affec-
tion qu'il portoit à son frere, luy donna la
charge qu'il auoit de Lieutenant de sa Comp-
agnie de cheuaux legers.

La 3. armee du Roy leuée pour la Picardie, *Progrez de
l'armée du
Roy en Picar-
die.*
deuoit estre commandée par le Mareschal de
Chastillon, & le Duc de Chaufne Gouverneur
& Lieutenant pour sa Majesté de la Prouince,
ville & citadelle d'Amiens.

Dés le mois d'Aoust les douze mille Suisses *Suisses leuez
pour le Roy
ayriens en
France.*
pour le seruice du Roy, marchoiert sous la
conduite du sieur d'Erlac, pour le Canton de
Berne, sous le Colonel Bircher pour Lucerne,
dont il est Aduoyer : sous le Colonel d'Affry
Gouverneur du Comté de Neufchastel, pour
Fribourg, & sous les Colonels Ziegler & Mo-
landi, le premier pour Schaffouze, & l'autre

C iij

1635_038.jpg



38

M. DC. XXXV.

*Arrivée du
Marechal de
Chastillon
à Amiens.*

pour la ville de Soleurre. De ces douze mille Suisses, le Roy en enuoya six mille au Cardinal de la Valette pour renforcer son armée, comme il est dit cy-dessus, les autres six mille furent enuoyez en Picardie, où ils furent distribuez partie à Abbeuille, à Guyse, & en l'armée que sa Majesté y faisoit assembler, pour laquelle commander, outre le Duc de Chaune, le Marechal de Chastillon fut choisi; il arriua le 8. d'Octobre à Amiens, où il fut honorablement receu: & le 9. il en partit avec quinze cens Allemans, tirant vers Corbie, où en suite il fit marcher promptement l'armée, composée de 9000. hommes de pied, & deux mille cinq cens chevaux: cette desmarche fit quitter aux Espagnols Aux le Chasteau qu'ils auoient repris sur nous, & où ils auoient mis garnison. Apres cela l'armée s'aduança dans l'Arthois pour y faire la guerre. Le neufiesme d'Octobre arriuerent à Calais par mer trois Compagnies Allemandes, faisans partie des trois mille hommes du Colonel Ransay. Plusieurs autres troupes y arriuerent aussi d'ailleurs, & y attendoit-on encores trois Regimens François, & trois mille Suisses. Alors toute l'armée eut ordre de retourner vers Corbie apres auoir fauorisé la conduite du Canon gagné à la bataille d'Auein, qu'on amena à Paris: les Generaux renuoyerent la Noblesse de Boulonnois sous la charge du sieur de Villequier pour la garde de leurs frontieres, d'autant que les Croates, pour auoir reuanche de leurs dernieres pertes, nous venoient souvent visiter: & au mois de Novembre, ils pri-

1635_039.jpg

Histoire de nostre Temps.


39

rent & pillerent quelques villages sur nos fron-
 tieres, d'où ils emmenerent quelque bestail, *Cruantez des Croates.*
 apres y auoir exercé des cruantez inouïes, ius-
 ques à arracher les ongles à des paysans auant
 que de les faire mourir. Le reste de cette saison
 se passa en petites guerres entre nos François &
 les Espagnols, où se signalerent le sieur de
 Rambures, & le Marquis de Moncavrel,
 dont le premier fit brusler quelques moulins
 qui seruoient de pretexte aux paisans pour
 porter du bled aux ennemis, & fit prendre par
 le sieur du Pont de l'Estoile le Chasteau de
 Bonnières en Artois, que les Espagnols aban-
 donnerent: ce qui fut fait à la veüe du Regi-
 ment de Cavalerie Walonne de la Grange, qui
 estant au village de Bourbers à vne lieuë de là,
 n'eust le courage de venir au secours des siens.
 Le second, sçauoir le Marquis de Moncavrel,
 fit assieger dans vne Eglise la Compagnie du
 Gouverneur de S. Omer de 60. Maistres, par
 Saincte Marie Capitaine au Regiment de Bel-
 fons, où ils furent pris & emmenez à Ardres.


La quatriesme armée du Roy fut pour l'Ita- *Exploits de l'armée du Roy en Ita- lie.*
 lie, sous la charge du Duc de Crequy, qui ioin-
 te avec celle du Duc de Sauoye, s'opposa aux
 desseins des Espagnols, d'opprimer la liberté
 des Princes d'Italie: avec eux se mit aussi le
 Duc de Parme le plus interessé en cette guerre,
 auquel les Espagnols vouloient enleuer les
 meilleures places de son Estat, en haine &
 vengeance de ce que ce Prince auoit pris la pro-
 tection du Roy, pour estre aydé & secouru de
 ses armes.

C iij

1635_040.jpg




1635_041.jpg

*Histoire de nostre Temps.*

41

sont seruis d'un certain Iean Baptiste Hadriani, & de son Histoire, qui commence à l'année 1536. imprimée à Venise, l'an 1587. avec Permission & Priuilege, à l'instance des Giunti de Florence: cét Historien, à leur dire, a diligemment remarqué tout ce qui concerne les actions des Ducs de Parme, Pierre Louys, & Octauius: de Pierre Louys, il dit qu'un certain temps il a rendu seruice à l'Empereur Charles V. sans parler que par sa conduite cet Empereur ait obtenu aucune victoire, ny pris aucune place d'importance: le mesme Autheur au quatriesme Liure de son Histoire, dit que le Pape Paul III. son Pere s'apprestoit des affaires en Lombardie, & que le Cardinal Grimano qui y estoit Legat, auoit enuoyé à Plaisance le Duc de Castro son fils, qui estoit Pierre Louys, avec charge d'espauler le secours de France. Au mesme Liure, parlant de la retraite de Pierre Strossi de Milan, dit que le pont ayant esté rompu par quantité de barques, il enuoya du Plaisantin, toute l'armée qui passa le Pau à trois diuerses fois, à cause de quoy plus de cinq cens hommes de pied s'esgarerent de leur chemin; ce qu'ayant sceu le Marquis del Vasto, il enuoya la Cavalerie apres: & ayant raccommode le pont, ils passerent tous dans le Plaisantin, & estans à trois mille de Plaisance ils se rafraichirent; & là mesme Pierre Louys de Farnese, & ledit Legat leur donnerent toute assistance: & au mesme Liure il dit, que Pierre Strossi s'eschappa des mains des Imperiaux: & estant arriué à Plaisance, Pierre Louys le receut, & luy donna tout

1635_042.jpg



1635_043.jpg

Histoire de nostre Temps.

43

quel'affaire fut resoluë, & Pierre Louys fut in-
 uelsty de l'Estat de Parme & de Plaisance, avec
 le tiltre de Duc, à la charge de huit mille escus
 de reconnoissance par an : cela ne pleût point à
 l'Empereur : (& à ce sujet Iean de Vega son
 Ambassadeur ne voulut interuenir à aucun
 acte) ny à Madame sa fille, se voyant despoüil-
 lée du Duché & tiltre de Camerino; & puis que
 le Pape vouloit prendre vn tel party, Pierre
 Louys ne l'estimant pas amy de l'Empereur, la
 faction contraire eut mieux desiré qu'un Estat
 si grand eust esté donné au Duc Octauio & à sa
 femme, parce que toutes les actions de Pierre
 Louys auoient esté tousiours suspectes. Les Im-
 periaux voyans que le Pape suiuoit ce party
 sans consentement de l'Empereur, & scachant
 qu'il auoit fauorisé les affaires du Roy de Fran-
 ce, neantmoins il continuoit à rechercher sa
 faueur, d'autant que la discorde des Siennes
 estoit cause qu'il s'entretenoit avec l'Empe-
 reur, pour faire Octauio Duc de Sienne.

Ce nouveau Duc ayant eu l'investiture des
 deux Villes de Parme & de Plaisance, il en don-
 na aduis à tous les Princes d'Italie, & eut enco-
 res desiré l'investiture de l'Empereur, comme
 Duc de Milan, mais pour lors il ne pût l'obte-
 nir. Et au Liure 6. il raconte la coniuration de
 Iean Louys de Fiesque, & dit qu'il alla à Ro-
 me, estant demeuré d'accord avec les Farneses
 d'achepter les quatre Galeres que Pierre Louys
 tenoit au port de Ciuitra - Vecchia, croyant
 en auoir besoin, puis qu'il estoit Duc de Parme
 & de Plaisance. Iean Louys Comte de Fiesque

Image issue du site mercurefrancois.ehess.fr - Cliché (c) Cécile Soudan